

BON-KAMGIPA NALJOKATANI

Jisu
Kristoni
Re-bapilani!



Amazing Facts
Poraiani

8



Ian an-tang banie agangipa golpo ong-ja!
Salsaode, na-a ia a-gilsako ong-enggipa
pilak saknaa, okria, saksan sikdikdik ong-aoni, dos
dakaoni, aro jajaanian gapgipaoni jakgitel ong-na
gita man-gen. Ia kattako knana aiao inmanbeani
ong-jama? Indiba ia a-gilsakni adita niksenggipa dilgiparang
nang-ko jokatnasienga, ia ong-ja – ong-chongmotja, nang-ko
jokatnasigipade uarangna batemangba bil gnangbatgipasa! Jisu
bakkaban re-bapilenga, indiba Ua maikai re-bapilengachim, uani gimin namen
ma-sisretanirang bang-en donga. Uni gimin Uni re-bapilengani bidingo Sastroara maikomancha
aganachim uko ma-sina gita adita somoirangko jakkalbo jedakode na-a watgalangako man-jawa!

1

Jisu gnigipa changna re-bapilgen ine an-chingara ka-dongchongmotna man-genma?

“Kristo ... aro changsa ... mikkang pa-gen” (Ibrirangna 9:28).

“Aro Anga re-ange na-simangna biapko daksoode, indide re-bapile na-simangko an-tangona rimanggen” (Johan 14:3).

Aganchakani: Oe! **Mati 26:64** o, Ua ia a-gilsakona re-bapilgen ine Jisu sakkiko on-a. Sastro chu-sokgijagipa ong-na man-jaani gimin (**Johan 10:35**), uan ka-dongchongmotna man-na ine sakkiko on-a. Ian Kristo An-tangni an-chingna ku-rachakani ong-a. Unbaksana, Uni skanggipa re-baani bidingo katchiniksoanirangko Jisu chu-sokataha – uni gimin Uni gnigipa re-bapilengani bidingo katchiniksoanirangkoba Ua chu-sokatmanchagen ine an-ching kimkime ma-sina gita man-a!



2

Maidakgipa bewalo Jisuara gnigipa changna re-bapilgen?

“Aro iarangko inmanoa, uamangni niengmitingon, uko rimdoangaha; aro aram Uko uamangni nikaoniko rimnapaha. Aro Uni watangmitingo uamangni salgichiko

miksongmitingo, nibo, mande sakgni ba-ra bokako gane uamangni sepango chadengaha; uamang inaba inaha, Na-simang Galilini manderang, na-simang maina salgichiko nie chadenga? Ia Jisuan, jeko na-simangoniko salgiona rimdoangaha, jekai na-simang Uko salgiona re-angako nikaha, uandaken re-bagen.” (**Watatarang 1:9-11**).

Aganchakani: Jedake Jisu a-gilsakko wate re-angahachim uandaken Ua re-bapilgen ine Sastro ku-rachaka, chong-motan nikna man-e, apsan dake, be-en bimang gnang aro apsan cholon bewal gnang. **Mati 24:30** o indake agana, “Uamang Mandeni Depanteko bilmung aro rasong chabeamung aramo re-baako nikgen.” An-tang bimangni be-en aro grengrang gnang apsan daken Ua aramo re-bagen (**Luk 24:36-43, 50, 51**). Uni re-bapilaniko nikna man-gen; iarangni kakket ong-anirangko Sastroo namen rongtala!

3

Kristoni gnigipa changna re-baaniko sakantian nikgenma ma basegimin dol mangmangsang nikaigen?

“Nibo, Ua aramrang re-baenga; aro pilak mikron ... Uko nikgen” (Parape-a 1:7). “Maina mikka riprapa jedake salaramchini ong-kata, aro uko saliramchini nika, uandake Mandeni Depanteni re-baani ong-gen” (Mati 24:27). “Maina Gitel An-tangan, inchroa, aro pamong sa-greni ku-rang, aro Isolni singga gngang, salgioni ong-onbagen; unon Kristoo sigiparang skang chakatgen” (1 Thessalonikarangna 4:16).

Aganchakani: Jensalo Jisu re-bapilahaon, Uni gnigipa changna re-bapilenganio a-gilsakni me-a, me-chik aro bi-sarang sakantian Uko nikgen. Uni mikkang pa-ani aiao inmangipa teng-suani a-kitikoni a-kitikona sokanggen, aro bangbango mikka riprapa gita chacha Uni rasong ong-gen. Darangba uanoni dongnuna man-jawa. Ian gam-begipa, a-sel ong-ani ong-gen jeon sigiminrangmangba chakatatako man-gen.

U-ie Ra-ani: Uni gnigipa changna re-bapilaniko sakantian ma-sigen! Mitamrang 1 Thessalonikarangna 4:16 ko “srikrik rimdoani” ine talatna jakkala, jeon jokatako man-giminrang a-gilsakoni jriprip gimagen, indiba chong-motde Sastroni gam-batgipa podrangoni mingsade ian ong-a: Gitel inchrogen, singgako sigken, aro sigiminrang chakatgen! Ia gnigipa changna re-bapilenganiara jriprip dakgipa obosta, ba ka-tongo mangmang gisikni gita re-bapilengani ong-ja. Ian mandeni siani biapko ra-sekgipa ong-ja, ba toe agananiba ong-ja. Iarang pilakan mandeni banaie agangiparangsang ong-aia, indiba Sastro rongtalen talata je ia gnigipa changna re-bapilenganiara ong-chongmotgipa, a-gimiko ong-nasigipa, nikna man-gipa, Kristo An-tangni aramo mikkang pa-anisa ong-a.

4

Uni gnigipa changna re-bapilenganio Jisu baksa sawarang re-chapagen, aro maina?

“Jensalo Mandeni Depante An-tang rasongo re-bagen, aro Un baksa pilak sa-grerang re-bagen, unsalo Ua An-tangni rasongni singhasono asonggen” (Mati 25:31).

Aganchakani: Uni gnigipa changna re-bapilo Jisu baksa salgioni pilak sa-grerang re-bagen. Teng-subegipa a-gilsakona sepangahaon, Jisu An-tang sa-grerangko a-gilsakona watatgen, aro salgiona re-pilna gita uamang ta-rake pilak toromigipa manderangko damsang chimonggen (Mati 24:31).

5

Ia a-gilsakona Jisuni gnigipa changna re-bapilengani miksonganiara maia?

"Nibo, Anga bakbak re-baa; aro uamangni kam ong-a gita, sakantina on-na ine Angni on-gni dormaha Ang baksan" (Parape-a 22:12). "Aro Anga re-ange biapko daksoode, indide re-bapile na-simangko An-tangona rimanggen; maikai Anga jeo donga, na-simangba uanon dongna man-gen" (Johan 14:3). "Maikai Ua ... Kristo Jisuko watatgen. Uko salgi rimnapna nanga, pilakkon namatpilani salona kingking" (Watatarang 3:20, 21).



Aganchakani: Uni ku-rachaka gita, An-tangni manderango jokatna, aro Uni uamangna tarisogimin nitobegipa biapona uamangko rimangna ia a-gilsakona Jisu re-bapilenga.

6

Jensalo Jisu gnigipa changna re-bapilahaon toromirangna mai ong-gen?

"Maina Gitel An-tangan ... salgioni ong-onbagen; unon Kristoo sigiparang skang chakatgen. Unikoa an-ching tanggiparang, dongpitigiparang, bangbango Gitelko grongna aramango uamang baksa damsan rimdoako man-gen; aro uandake an-ching pangnan Gitel baksa ong-gen" (1 Thessalonikarangna 4:16, 17). "An-ching pilakan dingtang dakako man-gen; ... sigiminrang gimagijani ong-e chakatatako man-gen. Maina ... ia signi sigijaniko ganna nanggen (1 Korinthirangna 15:51-53). "Maina an-chingni songpangni salgio; aro unoni Jokatgipa, Gitel Jisu Kristoko an-ching nisengsoenga; ... uandake Ua an-chingni onani be-enko rasongtangni be-en gita bimang dingtang dakgen" (Philippirangna 3:20, 21).

Aganchakani: Jemangan uamangni janggi tangmitingo Kristoko ra-chake siahachim, on-gimin chu-soksrangani aro jringjrotna gimagijagipa bimangrang baksa uamang gopramoni chakatgen, aro Gitelko grongna bangbangona rimdoako man-gen. Tange dongsogipa joka man-giminrangba gital bimangrangko aro Gitelko grongna bangbangona rimdoako man-gen. Unikoa Jisu pilak jokgiminrangko salgiona rimdogen.



Iako u-ie ra-bo je Uni gnigipa changna re-bapilanio Jisu a-gilsakko ga-tapjawa. Toromirang uko "bangbango" gronggen. Uano Kristo donga ine agangipa kattarangchi Isolni manderangde tol-napaniko man-jawa, toatna gita, Londono, New Yorko, Moscowo, ba a-gilsakni je bakoba. Tol-gipa kristorangde a-gilsako donge aiao inmagipa kamrangko ka-gen (Mati 24:23-27), indiba Jisude Uni gnigipa changna re-bapilanio aram kosakon dongaigen.

7

Jensalo Jisu re-bapilahaon papi manderangna mai ong-gen?

“Uni ku-chilrangni ku-bibachi Ua namgijako dakgiparango so-otgen” (Isaia 11:4). “Aro ua salo Jihovani so-otgimin a-ani ku-chot saoni a-ani ku-chot gipinona donggen” (Jeremia 25:33).

Aganchakani: Jemangan bobil dake papko rim-kingkingengachim jensalo Jisu re-baahaon Uni rasongni teng-suanina uamang sigen.

8

Maikai Kristoni gnigipa changna re-baenganiara a-gilsakko dingtangatnasienga?

“Banggribeaha, manderang a-ao ong-chengaoni uandakgipa banggribea (ong-kuja), uandake taraka ... Aro pilak chichang katangaha, aro a-brirangko nikjaha.” (Parape-a 16:18, 20). “Anga niaha, aro nibo, Jihovani mikkango ... bite nanggipa a-a bakra ong-aha, aro uni pilak songjinmarangko ruaha” (Jeremia 4:26). “Jihova a-ako bangbang ong-ata, aro uko gimaata ... a-an bangbang ong-ataka ... man-sranggen. (Isaia 24:1, 3).

Aganchakani: Gitelni re-baani somoio dal-begipa banggrianichi a-gilsak dingtangataniko man-gen. Ia banggrianiara namen ta-rakbegipa ong-gen jean ia a-gilsak gimikko chu-gimik nosto ong-ataona sokatgen.

9

Kristoni gnigipa changna re-bapilani sepangaha ine dingtangmancha u-iataniko Sastro on-ama?

Aganchakani: Oe! Jisu An-tangan indake aganaha, “jensalo ia pilakkon na-simang nika, uan sepangaha, cholgugaona sokbaaha ine u-ibo.” (Mati 24:33). Uni salgichina doangaoni Uni gnigipa changna re-bapilaona Gitel pilak ramarangon chinrangko donaha. Ka-maoniko nibo ...

A. Jerusalemko Nisiatani

Katchinikani: “Iano ro-ong dotsani kosako ro-ong dotsa rugija dongjawa ... Unsalo Judeao donggiparang abrirangona katchina” (Mati 24:2, 16).

Chu-sokani: Jerusalem AD 70 bilsio Roman matgrik Titusnachi nisiatako man-aha.

B. Bilongbegipa A-rik Sanalani, Duk

Katchinikani: “Maina unsalo duk bang-bea ong-gen, jedake a-gilsakni Abachengan taltal da-ona kingking ong-kuja” (Mati 24:21).

Chu-sokani: Ia katchinike aganani Andalgipa Chasongrango ong-gipa dukko mongsongbate jaksi ote mesoka, aro uko bebeoni ga-akgimin Kristian mondolichi Abachengataha. Ia ong-a obosta 1,000 bilsirangna baten

ong-aha. Million 50 Kristianrangna baten ia tol-gipa mondolichi so-otako man-tokaha, jean "mande jatni gisepo ong-gipa obostarangoni pilakna bate uano dos gri manderangko so-otokaha." *W. E. H. Lecky, History of the Rise and influence of the Spirit of Rationalism in Europe (Reprint; New York: Braziller, 1955), Vol. 2, 40-45.*

C. Sal Andalani

Katchinikani: "Ua salrangni duk ong-ani bak ja-mano sal andalgen" (**Mati 24:29**).

Chu-sokani: May 19, 1780 o talatna man-gijagipa andalgipa salo ia chu-sokaha. lan sal nawang minokani ong-jachim. Saksa mikrontangchi niggipa indake talataha, "la 1780 bilsini May 19th tarikara ong-ronggijagipa andalgipa sal ong-a. Candlerangko bang-a nokrangon soaha; burungni do-orang jripijripi ong-aha aro uarangko nikjaha, do-nokrang tusina naptokaha ... Bichalni sal sepangaha ine bang-a manderangni bebera-ani gipangaha." *Connecticut Historical Collections, compiled by John Warner Barber (2nd ed.; New Haven: Durrie and Peck and J. W. Barber, 1836), 403.*

D. Jajong An-chi Pil-a

Katchinikani: "Jihovani dal-gipa aro kenbegnigipa sal re-bana skang, sal andalpilgen aro jajong an-chi pil-gen" (**Joel 2:31**).

Chu-sokani: "Ua andalgipa sal," May 19, 1780 o an-chi gita chacha jajong gitchakaha. Saksa niggipa mande Stone's History of Massachusetts ingipao indake aganaha, "Jajong jean jarambong ong-achim, an-chi gita naaha."



E. Askirang Salgioni Ga-aka

Katchinikani: "Askirangba salgioni ga-akgen" (**Mati 24:29**).

Chu-sokani: November 13, 1833 walo aiao inmanpile askirang ga-akaha. Uan namen jasengbeachim je janerakon poraina man-pilachim jean ong-jaode gisimgipa lekkanan ong-aigenchim. A-gilsakna bon-ani sokbaaha ine manderang chanchitokaha. Iako chanchie nibo. lan gisiko nangatbatsranggipa aro Kristoni re-baengani mingsa chin ong-a. Saksa ki-tapko segipa indakde aganaha, "Konta bri ong-nasipile salgi ching-gopaha." Peter A. Millman, "The Falling of the Stars," *The Telescope*, 7 (May-June, 1940), 57.

F. Jisuni Aramrang Re-baani

Katchinikani: "Aro unon salgio Mandeni Depanteni chinko nikgen; aro unon agilsakni pilak machongrang ka-ako dokgen, aro uamang Mandeni Depanteko bilmung aro rasong chabeamung aramo rebaako nikgen" (**Mati 24:30**).

Chu-sokani: lan mikkango ong-nasienggipa dal-begipa obosta ong-a. Na-ara tariahama?

10

Jensalo a-gilsakni itihās bon-kamgipa salrangona sokahaon maikai an-ching ma-sina man-gen? Bon-kamgipa chasongni a-gilsak aro uni manderangko Sastroara talataniko dakama?

Aganchakani: Oe! Bon-kamgipa salrangni chinrangko ka-maoniko nie nibo. Na-a aiao inmanpilgen. Aro a-gilsakni itihasko chipangenggipa salrangon an-ching ong-engaha ine mesokgipa bang-a chinrangoni iarangde bang-gijasari on-gaia.

A. Dinggrikanirang aro Jingjenganirang

Katchinikani: “Aro dinggrikanirang aro jingjenganirang knaon kengoknabe; maina iarang skang ong-na nanggen” (Luk 21:9).

Chu-sokani: Dinggrikanirang aro bobili dake chakatanirang a-gimikni millionrangna neng-nikanirangko on-engaha. Ia saknaa aro nisiataniko Jisuni bakbak re-baanisan mangmang bon-kamanionara-bana man-aignok.

B. So-sojengjeng Ong-ani, Kengokani, aro Rang-gitik A-sel Ong-ani

Katchinikani: “Aro ... a-ao jatrangni duk, ... gisik bilding bildang ong-gen; aro a-gilsako ong-gnirangko nichaksoa, aro kenani gimin, manderang sibokgen” (Luk 21:25, 26).

Chu-sokani: Da-oni a-gilsak baksa ian namen tiktak meligipa noksa ong-a – aro uano miksongani ngang:

A-gilsakni itihaski bon-kamgipa salrangni manderang an-chingan ong-a. Da-o samtangtango ong-enggipa obostarang an-chingko aiao inmanatna nangja. Kristo uarangko agansoaha. Uni re-bapilengani sepangaha ine iarang an-chingko bebara-aniona dilangna nanga.

C. U-iani Bariroroani

Katchinikani: “Aro bon-kamani salo ... u-iani bang-rorogen” (Daniel 12:4).

Chu-sokani: Ia U-iani Cha-song Abachenganian iako rongtalen paraka. Bebara-na neng-batsranggipa gisikmangba ia chin chu-sokaha ine ku-rachakna nanggen. Scienceni pilak bakrangon u-iani pripraengaha, jedake: sam, technology, aro uarang gita.



D. Ka-dingstegiparang aro Toromko Jegalgiarang

Katchinikani: “Bon-kaman salrango ka-dingstegiparang ... re-bagen” (2 Pitor 3:3). “Uamang ... nachil ka-kite an-tangtangi namnika gita an-tangtangna skigiparangko chimonggen; aro uamang bebeoni nachilko pilate, banaia kattachi ekanggen” (2 Timothy 4:3, 4).

Chu-sokani: Da-allo iani gimin katchinikani chu-sokaniko nikna neng-ja. Ong-atani gimin, Chi Dubiani gimin, Kristoni Isol ong-ani gimin, gningipa changna re-bapilengani gimin aro bang-a Sastroni kakket ong-e skianirangko toromni dilgiparangmangba jegalengaha. Skia poraniko skigiparang an-chingni chadamberangna Sastroni altuae kakketgipa serikanirangna ka-dingstekchina skia aro Sastroni kakketna makreoni mandeni ong-baaniko aro gipin tol-e skianirangko donsakaaha.

E. Namako Dakani Bon-oroangani, Rongtale Janggi Tanganiko Jegalangi

Katchinikani: “Bon-kamani salrango ... manderang an-tangtangna ka-sagipa, ... ka-sapilgijagipa, ... an-tangtango rakigijagipa, ... namana ka-sagijagipa ... olakkiani bimangko man-gipa, indiba uni bilko jechakgipa ong-gen” (2 Timothy 3:1-3, 5).

Chu-sokani: America toRomrangna gri janggi tangani bijatchio ong-enga. Pilak manderangan indake aganenga. Jora gni bi-a ka-gipaoni jora sa ong-nasipile ekgrikao bon-ea. Ia chasongni manderang Sastroni gita janggi tangna gisiko sijawa jean Isolni Katta rongtalen chu-sokaha. Aiao inmanbebena gita, bon-kaman salrangni paprangko 2 Timothy 3:1-5 o baditana seahachim uko nibo, uarango da-ororoni koborrango talataniko na-a nikgen. Namgijani da-o a-gilsakko gangopenganiko Gitelni dal-begipa re-baengani bon-chongdikatgen.



F. Kusi-Katchaanina Pagla Ong-ani

Katchinikani: “Bon-kamani salrango ... manderang ... Isolna bate sukna ka-sagipa ... ong-gen” (2 Timothy 3:1, 2, 4).

Chu-sokani: A-gilsak kusiko am-anio pagla ong-aha. Bang-gija manderang mangmangsan giljaona jringna re-barongenga, indiba hajalrang kal-susaani biaprangosa ba gipin an-saoatani biaprangosa ma-gapenga. Americani manderang bilsiprako kusi-katchaanina billion somoirangko re-atenga, aro tosusaatode, Isolnade bang-gija somoirangkosan jakkalenga. Pagla

dake kusiko am-gipa Americani manderang a-gilsakni kusi-katchaanirangko am-sandie Tvni mikkango billion kontarangko re-atenga jeon 2 Timothy 3:4 chu-sokea.

G. Niam Gri Ong-ani, An-chi Pari Nikani, aro Duk Saknaani Barirooani

Katchinikani: “Namgija daka jelani gimin bang-ani ka-sara ka-singen” (Mati 24:12). “Namgija manderang aro brangatgiparang ... namjaroroanggen” (2 Timothy 3:13). “A-a an-chi ong-atanirangni dosian gapa, aro songjinma draatanian gapa” (Ezekiel 7:23).

Chu-sokani: Ia chin chu-sokaha ine namen rongtale. Niam gri ong-ani aiao inmanpile ta-raken giproroengaha. Bang-an janggi tangtangna kena gnangsa uamangni nokni do-gacholrangoni ong-katokengaha. Da-ororo bang-an songsalo naljokani bidingo jajrengtokengaha maina dosi dakani aro kenanirang dondikgija ta-raken giproroengaha.





H. Ong-telaigipa Obostarang aro Rang-gitik A-sel Ong-anirang

Katchinikani: “Branggribearang ong-gen, banoba banoba karap aro sabisi ong-gen ... a-ao jatrangni duk ... ong-gen. (Luk 21:11, 25).

Chu-sokani: Banggrianirang, ta-rakbegipa balmindurirang, aro chi bana ong-anirang skangna bate barioroengaha. Okria cha-asianichi, sabisichi, chi chu-onga gita man-gijanichi aro an-seng baljokanina simsakgijanichi hajalrang salantian siengaha, ia pilak chinrangan an-ching a-gilsakni chon-kamgipa somoio janggi tangengahane mesokenga.

I. Chon-kamani Salrango A-gilsakna Dingtangmanchagipa Nama Katta

Katchinikani: “Darang jatnan saki ong-china songnokni ia nama kattako a-gimiko aganprakgen; aro unon chon-kamani ong-gen” (Mati 24:14).

Chu-sokani: Kristoni gnigipa changna re-bapilengani dal-begipa, bon-kamgipa mikrakatani nama kattako a-gilsakni pilak ku-sirangnan ong-nasipile da-allo aganprakengaha. Jisuni gnigipa changna re-bapilna skang, a-gilsakni mande sakantian Uni bakkak re-bapilengani gimin mikrakataniko man-gen.



J. Me-mang Muni Piona Pilangani

Katchinikani: “Ja-manni salrango brangatgipa gisikrangna aro korerangni skianirangna gisik on-e, gisiktangtango kamatani dakko man-gipa tolgiparangni cha-chipilachi saoba saoba bebera-ako watanggen” (1 Timothy 4:1). “Uarangan ... korerangni gisikrang ong-a” (Parape-a 16:14).

Chu-sokani: Da-ororo manderang, bang-a a-songko dilgiparango man-chape, montol dagkipa aro me-mang muni pigiparangoniko ku-pattianiko bi-tokenga. Janggini sigijani gimin Sastroni gita ong-gija skie mimang muni pian Kristian toromrangonaba ja-napaha. Sigimin mande siaha inesa Sastrode skia. (Iani gimin ma-sibatna gita Poraiani 10ko nibo).



K. Tangka Paisana/Kam Ka-giparangni Neng-nikani

Katchinikani: “Nibo, na-simangni a-bako ragipa ganggiparangni dormaha, jeko na-simang tol-nape rakia, uan chrika; aro ragiparangni ku-rang kotokni Gitelni nachikolo napeaha. Na-simangba chakchikbo ... maina Gitelni re-baa sepangaha” (Jakob 5:4, 8).

Chu-sokani: Chon-kamani salrango tangka paisa aro kam ka-giparangni gisepo neng-nikani ong-gen ine agansoaha. Na-ara iani chu-sokaniko jajakuengama?

11

Gitelni gnigipa re-bapilenganiara badita sepangaha?

“Dumbur bolko toe aganako skie ra-bo; jensalo uni cheksi nomaha, aro jakgital ritimaha, unon ding-kari sepangaha ine na-simang u-ia. Uandake na-simangba, jensalo ia pilakkon na-simang nika, uan sepangaha, cholgugaona sokbaaha ine u-ibo. Beben anga na-simangna agana, la pilak ong-kujana kingking ia chasong bon-angjawa” (Mati 24:32-34).



Aganchakani: Iani bidingo Sastro dingtangmancha namen rongtala. Ia chinrang pilakan ong-nasipile chu-soktokengaha. An-ching Kristoni re-bapilengani sal ba kontakto u-ina gita man-ja (Mati 24:36), indiba an-ching iako u-ina man-a je Uni re-baani sepangaha. Da-o iarangko ta-rakbee matchotatna Isol ku-rachaka (Romrangna 9:28). Kristo Uni manderangna ia a-gilsakona re-bapilengaha. Na-ara tariman-ahama?

12

Tol-gipa aiao inmanpilgipa kamrang aro chinrang baksana, Kristoni gnigipa changna re-bapilengani bidingo Satan kakket ong-gijanirangko aganenga, jeon millionrang tol-napako man-gen. Na-a tol-napaniko man-jawa ine na-a maikai kimkimna man-gen?



Sigimin janggirang baksa agangrikram kuturio Jisuni bimango mikkang pa-anian Satanni sakgipinni bimango ra-e dakjegiparangoni mingsa ong-a.

“Maina uarangan chinrangko dakgipa korerangni gisikrang ong-a” (Parape-a 16:14). “Maina Kristo dakgiparang aro katchinika dakgiparang ong-kate dal-a chinrang aro aiao inmananirangko mesokgen; maikai, ong-na man-ode, segiminrangkoba brangatgen” (Mati 24:24). “Niam aro sakkichina hai! la katta gita uamang aganjaode, beben uamangna mamung seng-baa dongja” (Isaia 8:20).

Aganchakani: Satan, ia gnigipa changna re-bapilengani bidingo bang-a tol-e skianirangko bikotaha, aro Kristo re-bamanaha ba Sastroni skiarang gita ong-gija Ua re-bagen ine millionrangko tol-napengaha. Indiba Satanni chalakki dakani bidingo, iako agane, Kristo an-chingna mikrakataniko on-aha, “Gisik rakbo, maikai na-simangko pilakba brangatjagen” (Mati 24:4). Satanni tol-napanirangko Ua paraksoaha jedakode an-ching mikraksona man-gen, aro Ua iako an-chingko gisik ra-atenga, “Nibo, Anga na-simangna agansoaha” (Mati 24:25). Mesokna gita, Ua bakrao mikkang pa-jawa ba sigimin baksa

agangrikgipa biapo re-bajawa ine Jisu rongtalbeen aganmanaha (pod 26). Kristoni gnigipa changna re-bapilengani gimin Isolni skianiko an-ching skie ra-genchimode, uano tol-napaniko man-na mamung cholan dongja. Ia gnigipa re-bapilengani bidingo Sastro maiko aganachim uko ma-sigipa manderangde Satanchi tol-napaniko man-jawa. Pilak gipinrang tol-napako man-gen.

13

Jensalo Jisu re-bapilahaon na-a tariman-gnok ine na-ara maikai kimkimna man-gen?

"Angona re-bagipako Anga mamungdakeba a-palchi galjawa" (Johan 6:37). "Badita mande Uko ra-chakaha, Ua uamangna ... Isolni de ong-china bil on-aha" (Johan 1:12). "Anga An-tang niamrangko uamangni gisiko dongen, aro uamangni ka-tongo uarangko segen" (Ibrirangna 8:10). "An-chingni Gitel Jisu Kristochi an-chingko amatgipa Isolna mitela ong-china" (1 Korinthirangna 15:57).

Aganchakani: Jisu agana, "Nibo, Anga do-gacholo chadenge doktika; saoba Angni ku-rangko knae do-ga oode, Anga uona napanggen" (**Parape-a 3:20**). Gisik Rongtalgipachi, nang-ni ka-tongona napana Jisu doktika aro bi-a jedakode Ua nang-ni janggi tanganiko dingtangatna man-gen. Nang-ni janggi tanganiko Uona na-a pil-atode, nang-ni pilak paprangko Ua kimitgen (**Romrangna 3:25**) aro Isol baksa janggi tangani bilko nang-na on-gen (**Johan 1:12**). Indinari, Ua An-tangni toromi ong-ani cholonko nang-ni kosako on-aha jedakode na-a kenmangija rongtalgipa Isolni mikkang chadengna amgen. Uni skaniko dakanara katchaani ong-a. Iani bebe ong-aniko bang-an jajaa ine altubee nikna man-a, indiba ian kakket ong-a. Nang-ni dagngide nang-ni janggi tanganiko Kristona on-kangani aro Uko nang-o janggi tangchina on-nanian ong-aia. Uni dagngi kamde nang-o dal-bea aiao inmangipa kamko dake nangni janggi tanganiko dingtangatani aro Uni gnigipa re-bapilenganina nang-ko tarisoanian ong-a. Ian indinari on-ani ong-a. Na-a uko ra-chakna mangmangsan nangaigen.



14

Maia dal-begipa kenbegnini gimin Kristo an-chingna mikrakataniko on-a?

"Uni gimin na-simangba tarie dongbo, maina na-simangni chanchisogijan salo Mandeni Depante re-baa" (Mati 24:44). "Indiba an-tangtangni gimin gisik rakbo, chawakao, aro pekao aro janggitangna sintonao na-simangni gisik jimbeon, ua sal jonti gita rang-san na-simangona re-bajana gita" (Luk 21:34). "Noani salo maikai, uandake Mandeni Depanteni re-baaba ong-gen" (Mati 24:37).

Aganchakani: Janggi tangna simsakanio ba papni katchaanina do-ga oe on-anio namen jakchakgija ong-anio dal-bea kengni gnang je Noani salo a-gilsako Chi Dubia gita an-chingnaba Gitelni re-baangani mitino dongnue re-baani ong-naba donga, unikode an-chingba jagokani, tarisamsogijani, aro gimaani ong-gen. Dukni katta, ian millionrangni chagrongani ong-gen. Jisu ru-utgijan bakkak re-bapilengaha. Na-ara tariman-ahama?

15

Jensalo Jisu An-tangni manderangna re-bapilahaon, na-ara tariman-gimin ong-na skama?

Nang-ni Aganchakani:



Nang-ni Sing-anirangna Aganchakaha

1. Dal-begipa dukni re-banasiengama?

Aganchakani: Ian kakket ong-a je An-tang manderangko Jisuni jokatna re-bana skang mangmang misilbegipa dukni a-gimiko gipgen. Daniel iani bidingo indake talataniko daka, "jatni ong-chengantaltal ua salona kingking indake ong-kujagipa dukni sal ong-gen" (**Daniel 12:1**). Indioaba, **Mati 24:21** Andalgipa Chasongni somoio Isolni manderangko namen namjabegipa a-rik sanalani gimin agana, jeon millionrang so-otako man-aha.

2. Gitelni re-baenganiara "walo cha-ugipa gita" ong-ani gimin, maikai je mandeba uani gimin pilakkon ma-sina man-gen?

Aganchakani: Iana aganchakaniko **1 Thessalonikarangna 5:2-4** o nikna man-gen: "Walo cha-ugipa gita Gitelni sal re-baa ine na-simang an-tangtangan namedake u-ia. Maina jensalo 'Tom-tomani aro name dongani' ine manderang agana, unsalo uamangna rang-gitik gimaani sokbagen, oko kegipana an-pakani saknaa gita; aro uamang mamungdakeba jokjawa. Indiba ua Sal cha-ugipa gita na-simangko man-a gita na-simang andalao ong-ja, jongadarang." la kattarangni katta ja-pangde Gitelni salni rang-gitik ong-anian ong-a. Ua sal tarisamsogijagipa manderangna mangmangsan cha-ugipa gita ong-aigen, tarisamsogipa manderangnade ong-jawa, jemangkon "jongadarang" ine agana.

3. A-gilsako An-tangni songnokko basako Kristoara songdimgen?

Aganchakani: Parape-a 20ni dal-gipa 1,000 bilsirangni ja-mano. la bilsil hajalsa ua gnigipa re-bapilanio a-bachenggen, jensalo Jisu toromirangko a-gilsakoniko salgio Unbaksa tange "bilsil hajalsana" (**Parape-a 20:4**) sason ka-china rimanggen. Bilsil 1,000ni bon-ao, "rongtalgipa songjinma, Jerusalem gitalko" (**Parape-a 21:2**) pilak rongtalgiparang (**Zekaria 14:1, 5**) baksa salgioniko a-gilsakona ra-onbagen aro pilak sigimin papi manderang janggi tangpilgen (**Parape-a 20:5**). Uamang ua songjinmako chadrapna agangen (**Parape-a 20:9**), indiba salgioni wa-al ong-onbae uamangko cha-minokgen. la wa-alan a-gilsako rongtalatgen aro pilak papkon bon-e kamgen (**2 Pitor 3:10; Malaki 4:3**). Unikode Isol gital a-gilsakko ong-atgen (**2 Pitor 3:13; Isaia 65:17; Parape-a 21:1**) aro rongtalgiparangna uko on-gen, aro "Isol An-tangan uamang baksa ong-gen, aro uamangni Isol ong-gen" (**Parape-a 21:3**). Chu-soksranggipa, rongtalgipa, kusi ong-gipa janggi gnannggiparang, chu-soksranggipa Isolni jagringona ong-attaiko man-gen, Isolni a-bachengo miksonggipa papgrigipa, ong-sia grigipao bon-kame songdongna gita man-gnok. (Isolni nitobegipa gitalgipa songnokni gimin talbate ma-sibatna gita, Poraiani 4ko nibo. Bilsil 1,000ni gimin talbate ma-sibatna gita, Poraiani 12ko nibo).

4. Kristoni gnigipa re-bapilengani bidingo da-alo an-ching maina skiprakanirangko aro skianirangko bang-bate knajaenga?

Aganchakani: Diabolon iani ja-pang ong-a. Kristoni gnigipa re-bapilenganiara Kristianrangni "kusi ong-ani ka-dongani" (**Titusna 2:13**) ong-a ine ua namen ma-sia, aro uako changsa ma-siahaon, me-a aro me-chikrangni janggi tanganiko dingtangataha, aro nama kattako sakgipinrangna gipatanio paltangtang bimchipe kam ka-aniona uamangko dilangaha. la kam Satanko namen ka-onangatbeaha, indake ua Isolni cholon gnanggipa (**2 Timothy 3:5**) manderangko ka-dingsiteke, indake agane, tol-napaha, "Uni re-baani ku-rachakani bao? Maina pagitchamrang tusiantaltal, pilakan dakani Abachengantaltal gitan dongenga" (**2 Pitor 3:3, 4**). Kristoni gnigipa re-baani ong-chongmotgipa, bakbak ong-gnigipa obosta ong-ja ine jegalgiparang ba altue ra-giparang Sastroni katchinike agansoaniko chu-sokatenga, aro uamang diabolna dangdike on-engu.



5. Jensalo Jisu, Luk 17:36 o “Sasako rimange sakgipinko watanggen” ine aganon, sriksrik rimdoani gimin Ua aganjaengama?

Aganchakani: Ong-ja. Rimdoani sriksrik ong-gen ine mamung talatani dongja. Jisu, Noani chasongo chi dubianiko aro Sodomko nisiataniko talataniko daka. (Luk 17:26-37ko nibo). Isol maikai Noa aro Lotko jokatahachim aro papirangko nisiahachim uni gimin Ua agana. Chi banani aro wa-al “pilakkon nisitokaha” (pod 27, 29) ine Ua dingtangmancha agana. Ia obostarang mingprakon, altue ma-sina man-a je, bang-gija manderang naljokatakao man-a aro gipinrangde nisiatako man-a. Unikoa Ua agandapaha, “Mandeni Depanteni parape-an saloba uandaken ong-gen” (pod 30). Taldapatna gita, Jisu toe agandapkuaha, “Saksako rimange sakgipinko watanggen” (pod 36). Uni re-bapilani bidingo mamung sriksrik dakani dongja. “Pilak mikron ... Uko nikgen” (Parape-a 1:7). Uni gnigipa re-bapilano, Kristo manderangni mikkangon parak ong-en toromirangko aramrangdo rimdogen (1 Thessalonikarangna 4:16, 17), jeon niam pe-giparang Uni rongtalgipa rasongchi nisiatako man-gen (Isaia 11:4; 2 Thessalonikarangna 2:8). Uni giminsa Luk 17:37 o niam pe-giparangni manggisini gimin aro soginrangni (ba do-rengrangni) uamangni samtangtango tom-ani gimin agana. (Parape-a 19:17, 18 koba nibo). Niam pe-giparang jemangan Kristoni re-bapilano dongachim uamang sigiminrang ong-gen. (“Sriksrik rimdoani” bidingo talbate ma-sibatna skode, iani gimin chingni segipa ki-tapna chingko contact ka-pabo.)

Nang.ni agananiko ba sing.anirangko iano sebo



01



02



03



04



05



06



07



08



09



10



11



12



13



14

Poraiani lesson 14 rangoni ia lesson sa ong-a!

Lesson prakan chong-motgipa alao inmanirang baksa gapatako man-aha jean nang-ko aro nang-ni nokdangko dingtangtangen aro nang-na baikamgipa ka-donganiko ra-bagen.

Mingsakoba watchangalnabe!

Poraiani 01: Nang-ni Ka-dongchakna Man-gijani Uano Maiaba Dongkuengama?

Poraiani 02: Isol Diabolko Ong-atahama?

Poraiani 03: Sina Nangaoniko Jokataha

Poraiani 04: Bangbango Donggipa Mingsinggipa Songjinma

Poraiani 05: Kusi Ong-gipa Bia Ka-ani Chabirang

Poraiani 06: Rong-plengo Seaha

Poraiani 07: Itihasni Gimagimin Sal

Poraiani 08: Bon-kamgipa Naljakatani

Poraiani 09: Rongtalani & Bil!

Poraiani 10: Sianiara Sibebani Ong-ama?

Poraiani 11: Diabolara Norokko Nirok Simsakgipa Ong-ama?

Poraiani 12: 1,000 Bilsirangna Tom-tomani

Poraiani 13: An-sengbaljokanina Isolni Indin On-gipa Daksamsoani

Poraiani 14: Katta Maniara Niamko Kingkot Dake Manianima?

Jensalo na-a Poraini 14 ni skanggipako matchotahaon, bang-bate poraidapaniko dakna chingoniko bi-atbo:

Amazing Facts India, Post Box No 51, Banjara Hills, Hyderabad -500034

la Summary Sheet-ko matchotna skang ia lesson-ko poraichengbo. Aganchakani gimikkon Study guide-o man.gen. ong.gipa aganchakani-o check(✓)- ko donbo. **Parenthesis-o ong.gipa number-rang (1) badita ming aganchakanirang ong.a uko mesoka.**

Form-ko gapatna “Adobe reader” ko jakkalbo.

1. Uni gnigipa re-bapilanio (1)

Kristo jripjrip ong-onbagen aro a-gilsakni adita songjinmarangona re-anggen.

Kristo bakrao ong-gen.

Kristo aramrangon donge bangbango Uko grongna kosakona toromirangko okamgen.

2. Jensalo Jisu ia a-gilsakona pil-baon (1)

Toromirang mangmangsan Uko nikgen.

Pilak mikronrangan Uko nikgen.

TVo uko aganatkujaona kingking manderang uko ma-sijawa.

3. Kristoni gnigipa changna re-bapilahaon, toromirangna mai ong-gen? (2)

Toromi ong-e sigiparang chakatgen, uamangna jringjrotni janggiko on-gen, aramrangona rimdoaniko man-gen, aro salgiona rimdoaniko man-gen.

Toromi ong-e tange dongsogiparangna jringjrotni janggiko on-gen, aramrangona rimdoaniko man-gen, aro salgiona rimdoaniko man-gen.

Toromirang ianon donge papirangko toromi ong-atgen.

Toromirangko sriksrik ta-rake rimdogen.

4. Sastroo agangipa chinrango pangchake, Kristoni re-bapilengani (1)

Namen sepangaha.

Da-aloni chane bilsil ritcharang dongkuenga.

Ong-manaha.

5. Jisuni re-bapilo tange dongsogipa papirang (1)

Noroko donatako man-gen, jeon uamangko jringjrotna kamgen.

Uni gnigipa re-bapilanio nisiatako man-gen.

Ripinkue changsatai changgipin cholko on-taigen.

6. Kristoni gnigipa re-bapilani gimin kakket ong-e agangipa kattarangko ka-mao on-sogimin kattarangko nibo: (4)

Ua sriksrik re-bagen.

Ua gnigipa re-baaniara bimang dingtang ong-aniko chagrongani ong-a.

Ua aramrangko re-bagen.

An-chingni sichakram palangona Kristo an-chingna re-bagen.

Papirang Uko nikjawa.

Pilak sa-grerang Unbaksa ong-gen.

Ua a-gilsakko ga-tapjawa.

Uni re-bapilengani sal aro somoiko u-ina man-a.

Millionrangna jagokani aro gimaani ong-gen.

7. Kristoni gnigipa changna re-bapilanio (1)

A-gimikon tarisamsoman-gimin ong-e sengsotokgen.

Namen bilakbegipa, a-gilsak gimiko banggriani ong-gen.

Papirang dingtangatako man-gen.

8. Bon-kaman salni a-gilsakni kakketgipa chirang pilakkon chin dakbo: (7)

A-gilsak nambatorogen.

Tangka paisa aro kam ka-giparangni gisepo dakgrikani ba jegrikani ong-gen.

Banggrianirang, mikka balwarang komiroroanggen.

Sastroni kakket ong-aoni chel-anggen.

Kusi-katchaanina pagla ong-ani.

Namgipa cholonni gimaangani.

Niam pe-anio namen ga-akani.

Bilongbegipa akal karap ong-ani.

U-i-ma-siani bariroroani.

Tom-tom ong-gijani aro dakgrik dinggrikani.

9. Kristoni re-pilbaani salgini chinrangara badiarang? (2)

Dal-gipa Aski Do-me.

May 1780 bilsio sal andalani.

November 1833 bilsio askirangni ga-akani.

Jajongni a-gilsakona ga-akani.

10. Jisuni a-gilsakona re-bapilengani namen sepangaha ine maikai an-ching ma-sigen? (1)

Sastroo, bon-kaman salrangni chirangko aro dingtangmancha talatanirangko daka.

Jisu bakkak re-bapilengaha ine bang-a manderangni bebera-ani gimin.

Mittam parape-giparangni Parape-achi.

11. Kristoni re-bapilani bewal aro somoirangni bidingo millionrang tol-napaniko man-gen maina (1)

Isol pilakni jokaniko nangnikja.

Uamang chu-onga gita bang-a on-nanirangko on-ja.

Uamang kakketgipa bewalko ma-sina gita uamangni Sastroko poraija.

12. Indake ong-ode anga Kristoni re-bapilano tarisogimin ong-gen (1)

Jisu anga tango.

Salanti janerako poraio.

Angni pamongni agananiko dako.

13. Anga Kristoni re-bapilo tarisogimin ong-na chanchienga.

Bebe.

Tol'a

Kosako sing.anirangna bon.e aganchakbo!



India



Nang.ni bimung, email aro phone no. ko enroll ka.na gita gapatbo.

Nang.ni minggipin indin on.gipa Study guide-ko man.a gita "Submit" ingipao click ka.bo.

Nang.ni bimung :

Nang.ni Email :

Phone Number :

Nang.ni Address :

City, District :

Pin :

State :

Bils :

Country :

Misi :

Nang.ni contact info-ko tik dake on.bo